

唐書合鈔

唐書卷第二百五十七上

得真主

回紇

舊本回鶻在吐蕃前
今從新書列吐蕃後

回紇其先匈奴之裔也在後魏時號鐵勒部落其衆微

小其俗驍強依託高車臣屬突厥近謂之特勒

俗多乘高輪車

元魏時亦號高車部或曰敕勒訛爲鐵勒其部落曰袁紇薛延陀契苾羽都播骨利幹多覽葛僕骨拔野古同羅渾思結斛薛奚結阿跌白靄凡十有五種皆散處磧北袁紇者亦曰烏護曰烏紇至隋曰韋紇

無君

長居無恒所隨水草流移人性凶忍善騎射貪婪尤甚以寇抄爲生自突厥有國東西征討皆資其用以制北荒隋開皇末晉王廣北征突厥大破步迦可汗特勒於是分散大業元年突厥處羅可汗擊特勒諸部厚斂其

物又猜忌薛延陀恐為變遂集其渠帥數百人盡誅之
特勒由是叛特勒始有僕骨同羅回紇拔野古覆羅步
號俟斤後稱回紇焉在薛延陀北境居娑陵水側去長

安六千九百里隨逐水草勝兵五萬人口十萬人地磽鹵畜

多大初有特健俟斤死有子曰菩薩為特健所逐特健死部落以

為賢而立之貞觀初菩薩與薛延陀侵突厥北邊突厥

頡利可汗遣子欲谷設率十萬騎討之菩薩領騎五千

與戰破之於馬鬣山因逐北至於天山又進擊大破之

俘其部眾回紇由是大振因率其眾附於薛延陀附于獨樂

上水號菩薩為活頡利發貞觀三年仍遣使朝貢菩薩勁勇有

膽氣善籌策每對敵臨陣必身先士卒以少制衆常以
戰陣射獵爲務其母烏羅渾主知爭訟之事平反嚴明
部內齊肅回紇之盛由菩薩之興焉貞觀中擒降突厥
頡利等可汗之後北虜唯菩薩薛延陀爲盛太宗冊北
突厥莫賀咄爲可汗遣統回紇僕骨同羅思結阿跌等
部

菩薩死

回紇酋帥

胡祿俟利發

吐迷度與諸部大破薛延陀

多彌可汗遂併其部曲奄有其地貞觀二十年南過賀

蘭山臨黃河遣使入貢以破薛延陀功賜宴內殿太宗

幸靈武

次涇陽

受其降欵因請回鶻已南置郵遞通管北

方

於是鐵勒十一部皆來言延陀不事大國以自取亡其下屬駭鳥散不知所之今各有分地願歸命天子

請置唐官有詔張飲高會引見渠長等以唐官官之凡
數千人明年復入朝帝坐祕殿陳十部樂殿前設高占
置朱提瓶其上潛泉浮酒自左閣通站趾注之瓶轉受
百斛繚盜回紇數千人飲畢尚不能半又詔文武五品
官以上祖飲尚書省中渠領共言生荒陋地歸身聖化
天至尊賜官爵與為百姓依唐若父母然請於回紇突
厥部治大涂號叅天
至尊道世為唐臣
太宗為置六府七州府置都督州

置刺史府州皆置長史司馬已下官主之

其都督刺史給元金魚符

黃金為文天子方招龍遠夷作絳黃瑞錦文袍寶刀珍器賜之以回紇部為瀚海府拜

其俟利發吐迷度為懷化大將軍兼瀚海都督時吐迷

度已自稱可汗署官號皆如突厥故事

有外宰相六內宰相三又有都督

將軍司馬之號

以多覽葛為燕然府僕骨為金徽府拔野古為

幽陵府同羅為龜林府思結為盧山府渾都部為皋蘭

州斛薛為高闕州阿跌為鷄田州契苾羽為榆林新書無林

字溪州奚結為雞鹿州阿布思為蹄林州白雲為賓顏

州又以回紇西北結骨為堅昆府其北骨利幹為元闕

州東北俱羅勃為燭龍州帝更詔特健侯斤他部為祁連州隸靈州都督白雲他部

為居延州於故單于臺置燕然都護府統之以李素立為燕然都護以

導賓貢詔積南鵬鵲泉之陽置過郵六十八所貞觀二

十二年吐迷度為其姪烏紇所殺初烏紇悉其叔母遂

與俱陸莫賀達干俱羅勃潛謀殺吐迷度以歸車鼻烏

紇俱羅勃並車鼻之婿也烏紇遂夜領騎十餘劫吐迷

度殺之燕然副都護元禮臣遣人給烏紇云將奏而為

都督替吐迷度也烏紇輕騎至禮臣所跪拜致謝禮臣擒而斬之以聞太宗恐回紇部落攜離十月遣兵部尚書崔敦禮往安撫之仍以敦禮爲金山道副將軍贈吐迷度左衛大將軍賻物及衣服設祭甚厚以吐迷度子前左屯衛大將軍翊左郎將婆閏爲左驍衛大將軍大俟利發使持節回紇部落諸軍事務瀚海都督後諸羅勃來朝太宗留之不遣詔西突厥可汗阿史那賀魯統五啜五俟斤三十餘部居多羅斯水南去西州馬行十五日程回紇不肯西屬突厥永徽二年賀魯破北庭詔將軍梁建方契苾何力領兵二萬取回紇五萬騎大破賀

魯收復北庭顯慶元年賀魯又犯邊詔程知節蘇定方
任雅相蕭嗣業領兵并回紇大破賀魯於陰山再破於
金牙山盡收所據之地西逐至耶羅川賀魯西奔石國
婆閏隨蘇定方逐賀魯至石國西北蘇咄城城主伊沮
新書達干執賀魯送洛陽以其地置濛池崑陵府以阿
史那彌射阿史那步真爲二府都督統十姓左廂五弩
失畢右廂五咄陸以賀魯種落分置州縣西盡波斯加
婆閏右衛大將軍兼瀚海都督永徽六年回紇遣兵隨
蕭嗣業討高麗龍朔中婆閏死妹新書比粟新書栗新書毒
新書無主領回紇以燕然都督府領回紇更號瀚海都
毒字
護府以積爲限大抵北諸蕃悉隸之

與同羅僕固犯邊高宗命鄭仁泰討平僕固等比粟毒

敗走因以鐵勒本部為天山縣永隆中比栗獨解支武

時突厥默啜方強取鐵勒故地故回紇與契苾思結渾三部度磧徙甘涼間然唐常取其壯騎佐赤水軍云

嗣聖中獨解伏帝助唐攻殺默啜於是別部移健頡利發

北開元中伏帝承宗伏帝難新書無伏並繼為酋長

皆受都督號以統蕃州左殺右殺分管諸部涼州都督

暴承宗罪開元中回紇漸盛承宗族子瀚海府殺涼州

都督王君奐斷安西諸國入長安路久之奔突厥死元

宗命郭知運等討逐案元宗紀君奐殺於開元十六年

疑退保烏德韃山南去西城一千七百里西城即漢之

高闕塞也北去磧石口三百里有十一都督本九姓部

落一曰藥羅葛即可汗之姓與僕骨渾拔野古同羅思結契苾六種相等夷不列

於數二曰胡咄葛三曰咄新書羅勿四曰貊歌息訖五曰

阿勿啗六曰葛薩七曰斛嗚素八曰藥勿葛九曰奚耶

勿每一部落一都督破拔悉密收一部落破葛邏祿收

一部落各置都督一人統號十一部落每行止鬪戰常

以二客部落為軍鋒天寶初突厥亂裴羅與葛邏祿自稱左右葉護助拔悉密擊

鳥蘇可汗其酋長葉護頡利吐發新書作遣使入朝封奉義

王新書在三載擊破拔悉密斬頡跌伊施可汗遣使上狀自稱骨咄

祿毘伽闕可汗又遣使入朝因冊為懷仁可汗南居突厥故地

徙牙烏德韃山昆河之間前殿列仗中書令內案授冊使者使者出門升輅至皇城門降乘馬幡節導以行凡冊可汗率用此禮明年裴羅又攻殺突厥白眉可汗遣頭啜羅達干來上功拜裴羅左驍衛員外大將軍斥地愈廣東極室韋西金山南控大漠盡得古匈奴地裴羅死子磨延啜立號葛勒可汗剽悍善用兵歲遣使者入朝及至德元載七月肅宗於靈武卽位遣故邠王男承

案封爲燉煌王將軍石定蕃使於回紇而令僕固懷恩送王以修

好徵兵及至其牙可汗以女嫁於承案遣首領來朝請

和親封回紇公主爲昆伽公主於是可汗自將與朔方節度使郭子儀合討同

羅諸蕃破之河上與子儀會呼延谷可汗恃其強陳兵引子儀拜狼轟而後見肅宗在彭原遇

之甚厚使者葛羅支見耻班下帝不欲使鞅鞅引升殿慰而遣二載二月回紇又

使首領大將軍多攬等十五人入朝九月戊寅加承案

開府儀同三司拜宗正卿

可汗亦封承宋爲葉護給納四節令與其葉護共將

回紇公主爲妃回紇遣其太子葉護領其將帝德等兵

馬四千餘衆助國討逆肅宗宴賜甚厚又命元帥廣平

王見葉護約爲兄弟接之頗有恩義葉護大喜謂王爲

兄戊子回紇大首領達干等一十三人先至扶風與朔

方將士見僕射郭子儀留之設宴三日葉護太子曰國

家有難遠來相助何暇食爲子儀因留之宴畢便發其

軍每日給羊二百口牛二十頭米四十碩及元帥廣平

王率郭子儀等至香積寺東二十里西臨澧水賊埋精

騎於大營東將襲我軍之背朔方左廂兵馬使僕固懷

恩指回紇馳救之

與鎮西北庭節度使李嗣業夾虜之

匹馬不歸因收西

京

懷恩率回紇南蠻大食衆繚都而南壁滌東

十月廣平王副元帥郭子儀

領回紇兵馬與賊戰於陝西初次於曲沃葉護使其將

軍車

新書無車字

鼻施吐撥裴副

新書羅

等旁南山而東遇賊

伏兵於谷中盡殪之子儀至新店遇賊戰軍却數里回

紇望見踰山西嶺上曳白旗而趨擊之直出其後賊衆

大敗填而北坑

句疑有誤

逐北二十餘里人馬相枕藉蹂踐

而死者不可勝數斬首十餘萬伏屍三十里賊黨嚴莊

馳告安慶緒率其黨背東京北走渡河而葉護從廣平

王僕射郭子儀入東京初收西京回紇欲入城劫掠廣

平王固止之及收東京回紇遂入府庫收財帛於市井村坊剽掠三日而止財物不可勝計廣平王又賚之以錦罽寶貝葉護大喜及肅宗還西京十一月癸酉葉護自東京至敕百官於長樂驛迎上御宣政殿宴勞之葉護升殿其餘酋長列於階下賜錦繡繒綵金銀器皿及辭歸蕃上謂曰能爲國家就大事成義勇者卿等力也葉護奏曰回紇戰兵留在沙苑今且須歸靈夏取馬更收范陽討除殘賊已丑詔曰功濟艱難義存邦國萬里絕域一德同心求之古今所未聞也回紇葉護特稟英姿挺生奇畧言必忠信行表溫良才爲萬人之敵位列

諸蕃之長屬凶醜亂常中原未靖以可汗有兄弟之約
與國家興父子之軍奮其智謀討彼兇逆一鼓作氣萬
里摧鋒二旬之間兩京克定力拔山岳精貫風雲蒙犯
不以辭其勞急難無以踰其分固可懸之日月傳之子
孫豈惟裂土之封誓河之賞而已矣夫位之崇者司空
第一名之大者封王最高可司空仍封忠義王每載送
絹二萬匹至朔方軍宜差使受領乾元元年五月壬申
朔回紇使多亥新書阿波八十人黑衣大食酋長閣之
等六人並朝見至問門爭長通事舍人乃分爲左右從
東西門並入六月戊戌宴回紇使於紫宸殿前秋七月

丁亥詔以幼女封爲寧國公主出降其降蕃日仍以堂

弟漢中郡王瑀爲特進試太常卿攝御史大夫克冊命

英武威遠毗伽可汗使以堂姪左

新書

司郎中巽爲兵

部郎中攝御史中丞鴻臚卿副之兼充寧國公主禮會

使特差重臣開府儀同三司行尚書右僕射冀國公裴

冕送至界首癸巳以冊立回紇

磨延

英武威遠毗伽可

汗上御宣政殿漢中王瑀受冊命甲午肅宗送寧國公

主至咸陽磁門驛公主泣而言曰國家事重死且無恨

上流涕而還及瑀至其牙帳毘伽闕可汗衣赭黃袍胡

帽坐於帳中榻上儀衛甚盛引瑀立於帳外謂瑀曰王

是天可汗何親瑀曰是唐天子堂弟又問於王上立者

爲誰瑀曰中使雷盧

新書靈下同

俊可汗又報曰中使是奴

何得向郎君上立雷盧俊竦懼跳身向下立定瑀不拜

而立可汗報曰兩國主君臣有禮何得不拜瑀曰唐天

子以可汗有功故將女嫁與可汗結姻好比者中國於

外蕃親皆宗室子女名爲公主今寧國公主天子真女

又有才貌萬里嫁與可汗可汗是唐家天子女婿合有

禮數豈得坐於榻上受詔命耶可汗乃起奉詔便受冊

命翼日冊公主爲可敦蕃酋歡欣曰唐國天子貴重將

真女來瑀所送國信繒絲衣服金銀器皿可汗盡分與

衙官酋長等及瑀回可汗獻馬五百匹貂裘百疊

新書作自

甄

八月回紇使王子骨噉特勒及宰相帝德等驍將三

千人助國討逆肅宗嘉其遠至賜宴會命隨朔方行營

使遣僕固懷恩押之九月甲申回紇使大首領蓋將

新書

有軍字

等謝公主下降兼奏破堅昆五萬人宴於紫宸殿

賜物有差十二月甲午回紇使三婦人謝寧國公主之

聘也賜宴紫宸殿乾元二年回紇骨噉特勒等率衆從

郭子儀與九節度於相州城下戰不利三月壬子回紇

王子骨噉特勒及宰相帝德等十五人自相州奔於西

京肅宗宴之於紫宸殿賞物有差其月庚寅回紇特勒

辭還行營上宴之於紫宸殿賜物有差乙未以回紇王

子新除左羽林軍大將軍員外置骨啜特勒爲銀青光

祿大夫鴻臚卿員外置夏四月回紇毘伽闕可汗死長

子葉護先被殺乃立其少子登里可汗

次子移地健立號牟羽可汗

其妻爲可敦六月丙午以左金吾衛將軍李通爲試鴻

臚卿攝御史中丞克弔祭回紇使毘伽闕可汗初死其

牙官都督等欲以寧國公主殉葬公主曰我中國法婿

死卽持喪朝夕哭臨三年行服今回紇娶婦須慕中國

禮若今依本國法何須萬里結婚然公主亦依回紇法

勞面大哭竟以無子得歸秋八月寧國公主自回紇還

詔百官於明鳳門外迎之上元元年九月己丑回紇九

姓可汗使大臣俱陸

新書錄

莫

新書有賀字

達干等入朝奉表

起居乙卯回紇使二十人於延英殿通謁賜物有差十

一月戊辰回紇使延支伽羅等十人於延英殿謁見賜

物有差寶應元年代宗初卽位以史朝義尚在河洛遣

中使劉清潭徵兵於回紇又修舊好其秋清潭入回紇

庭回紇已爲史朝義所誘云唐家天子頻有大喪國亂

無主請發兵來收府庫可汗乃領兵而南已八月矣清

潭賁敕書國信至可汗曰我聞唐家已無主何爲更有

敕書中使對曰我唐家天子雖棄萬國嗣天子廣平王

天生英武往年與回紇葉護兵馬同收兩京破安慶緒
與可汗有故又每年與可汗繒絹數萬匹可汗豈忘之
耶然回紇業已發至三城北見荒城無戍卒州縣盡爲
空壘有輕唐色乃遣使北收單于兵馬倉糧又大厚清
潭清潭發使來奏云回紇登里可汗傾國自來有衆十
萬羊馬不知其數京師大駭上使殿中監藥子昂馳勞
之及於太原北忻州南子昂密數其丁壯得四千人老
小婦人相兼萬餘人戰馬四萬匹牛羊不紀先是毘伽
闕可汗請以子婚肅宗以僕固懷恩女嫁之及是爲可
敦與可汗同來請懷恩及懷恩母相見上敕懷恩自汾

州見之於太原懷恩又諫國家恩信不可違背初欲自蒲關入取沙苑路由潼關東向破賊子昂說之云國家頻遭寇逆州縣虛乏難爲供擬恐可汗失望不如取土門路入直取邢洛衛懷賊中兵馬盡在東京可汗收其財帛東裝南向最爲上策可汗不從又說取懷州太行路南據河陰之險直扼賊之喉亦上策也可汗又不從又說取陝州太陽津路食太原倉粟而東與澤潞河南懷鄭節度同入亦上策也可汗從之子昂因入奏上以雍王适爲兵馬元帥加懷恩同中書門下平章事又以子昂兼御史中丞與前潞府兼御史中丞魏琚爲左右

廂兵馬使以中書舍人韋少華充元帥判官兼掌書記
給事中李進兼御史中丞克元帥行軍司馬東會回紇
敕元帥爲諸軍先鋒與諸節度會陝州登里可汗營於陝州黃河北元帥

雍王領子昂等從而見之可汗責雍王不於帳前舞蹈
禮倨子昂辭以元帥是嫡孫兩宮在殯不合有舞蹈回
紇宰相及車鼻將軍庭詰曰唐天子與登里可汗約爲
兄弟今可汗卽雍王叔叔姪有禮數何得不舞蹈子昂
苦辭以身有喪禮不合又報云元帥卽唐太子也太子
卽儲君也豈有中國儲君向外國可汗前舞蹈相拒久
之車鼻遂引子昂李進少華魏琚各榜捶一百少華琚

因榜捶一宿而死以王少年未諳事放歸本營

官軍以王

見辱將合誅回紇王以賊未滅止之

而懷恩與回紇右

新書左

殺爲先鋒及

諸節度同攻賊

朝義使反間左殺執以獻擊賊橫水

破之史朝義率殘寇

而走元帥雍王退歸靈寶回紇可汗繼進於河陽列營

而止數月去營百餘里人被剽劫逼辱不勝其弊懷恩

常爲軍殿及諸節度收河北州縣僕固瑒與回紇之衆

追躡二千餘里至平州石城縣梟朝義首而歸河北悉

平懷恩自相州西出崞口路而西可汗自河陽北出澤

潞與懷恩會歷太原遣使拔賀那上表賀收東京并進

逆賊史朝義旌旗等物辭還蕃代宗引見於內殿賜綵

二百段初回紇至東京以賊平恣行殘忍士女懼之皆
登聖善寺及白馬寺二閣以避之回紇縱火焚二閣傷
死者萬計累旬火焰不止及是朝賀又縱橫大辱官吏
至以兵夜所舍以陝州節度使郭英乂權知東都留守
光門入鴻臚寺時東郡再經賊亂朔方軍及郭英乂魚朝恩等軍不能
禁暴與回紇縱掠坊市及汝鄭等州比屋蕩盡人悉以
紙爲衣或有衣經者帝念少華等死故贈少華左散騎常侍瑠揚州大都督賜一子六品
官代宗御宣政殿出冊文加冊可汗爲登里新書有骨
咄登里頡咄登密施含新書俱錄英義建功毘伽可汗
骨啜可敦加冊爲婆新書墨光親麗華毘伽可敦頡咄華言

社稷法用登密施華言封竟含俱錄華言婁羅毘伽華
言足意智婆墨華言得憐以散騎常侍兼御史大夫王
翊充使就可汗行營行冊命焉可汗可敦及左右殺諸
都督內外宰相已下共加實封二千

新書
二萬

戶令王翊就

牙帳前禮冊左殺封爲雄朔王右殺封爲寧朔王胡祿

都督封金河王拔覽將軍封爲靜漠王諸都督一十一

新書無
一字

人並封國公尋而懷恩叛投靈武有朔方舊將

任敷張韶等收合餘燼衆至數萬廣德二年秋乃引吐
蕃之衆數萬人至奉天縣朔方節度郭子儀率衆拒之
而退永泰元年秋懷恩遣兵馬使范志誠任敷將兵又

誘回紇吐蕃吐谷渾党項奴刺之衆二十餘萬以犯奉天醴泉鳳翔同州等處被其逆命先以郭子儀屯涇陽渾日進屯奉天數摧其鋒又聞懷恩死吐蕃將馬重英等十月初引退取邠州舊路而歸回紇首領羅達干等率其衆二千餘騎詣涇陽請降子儀許之率衆被甲持滿數千人回紇譯曰此來非惡心要見令公子儀曰我令公也回紇曰請去甲子儀便脫兜鍪鎗甲策馬挺身而前回紇酋長相顧曰是也時太子太保李光進兼御史大夫路嗣恭戎裝介馬在子儀之側子儀指示回紇曰此是渭北節度李太保又曰此是朔方軍糧使路大

夫回紇便下馬羅拜子儀亦下馬回紇之衆爲左右翼
各數百人漸進子儀麾下亦馳而至子儀麾退之子儀
命酒與之飲贈之纏頭綵三千匹子儀執回紇大將可
汗弟合胡祿都督藥羅葛等手責讓之曰我國家知汝
回紇有功報汝大厚汝何背約負信犯我王畿我須與
汝戰何乃降爲我一身挺入汝營任汝拘執我麾下將
士須與汝戰回紇又譯曰懷恩負心來報可汗云唐國
天子今已向江淮令公亦不主兵我是以敢來今知天
可汗見在上都令公爲將懷恩天又殺之今請追殺吐
蕃收其羊馬以報國恩然懷恩子可敦兄弟請勿殺之

合胡祿都督等與宰相磨咄莫賀達干宰相噶莫賀達
干宰相護都毘伽將軍宰相揭拉裴羅達干宰相梅錄
大將軍羅達干平章事海盈闕達干等子儀先執杯合
胡祿都督請呪子儀呪曰大唐天子萬萬歲回紇可汗
亦萬歲兩國將相亦萬歲若起負心違背盟約者身死
陣前家口屠戮合胡祿都督等失色及杯至卽譯曰如
令公盟約皆喜曰初發本部來日將巫師兩人來云此
行大安穩然不與唐家兵馬鬪見一大人卽歸今日領
兵見令公令公不爲疑脫去衣甲單騎相見誰有此心
膽是不戰鬪見一大人巫師有徵矣歡躍久之子儀撫

其背首領等分纏頭綵以賞巫師請諸將同擊吐蕃子儀如其約翼日使領回紇首領開府古野那等六人入京朝見又五日朔方先鋒兵馬使開府南陽郡王白元光與回紇兵馬合於涇州靈臺縣西五十里赤山嶺共破吐蕃等十餘萬衆斬首五萬餘級生擒一萬餘人馳馬牛羊凡百里相繼不可勝紀收得蕃落五千餘人初白元光等到靈臺縣西探知賊勢爲月明思少陰晦回紇使巫師便致風雪及遲明戰吐蕃盡寒凍弓矢皆廢披氊徐進元光與回紇隨而殺之蔽野僕固名臣懷恩之姪尤爲驍將亦領千餘騎來降尋而子儀又使回紇

宰相護地毘伽將軍宰相梅錄大將軍開府儀同三司

試太常卿羅達干等一百九十六人來見上賜宴於延

英殿錫賚甚厚閏月子儀自涇陽領僕固名臣入奏回

紇進馬及宴別

宰相錢中渭橋

前後賚繒綵十萬匹而還時帑

藏空虛朝官無祿俸隨月給手力謂之資課錢稅朝官

閏十月十一月十二月課以供之

大厯三年光親可敦卒帝遣右散騎常侍

蕭昕持節弔祠明年以懷恩幼女爲崇徽公主繼大厯室兵部侍郎李涵持節冊拜可敦賜繒綵二萬

六年正月回紇於鴻臚寺擅出坊市掠人子女所在官

奪返毆怒以三百騎犯金光門朱雀門是日皇城諸門

盡閉上使中使劉清潭宣慰乃止七年七月回紇出鴻

臚寺入坊市強暴遂長安令邵說於含光門之街奪說
所乘馬將去說脫身避走有司不能禁八年十一月回
紇一百四十人還蕃以信物一千餘乘回紇特功自乾
元之後屢遣使以馬和市繒帛仍歲來市以馬一匹易
絹四十匹動至數萬馬其使候遣繼留於鴻臚寺者非
一蕃得帛無厭我得馬無用朝廷甚苦之是時特詔厚
賜遣之示以廣恩且俾知愧也是月回紇使使赤心領
馬一萬匹來求市代宗以馬價出於租賦不欲重困於
民命有司量入計許市六千匹十年回紇殺人橫道京兆尹黎幹捕之詔
貨勿効九月回紇白晝刺人於東市市人執之拘於萬年

縣其首領赤心聞之自鴻臚寺馳入縣獄劫囚而出所

傷獄吏

十二年回紇襲振武攻東陁

十三年正月回紇寇太原過榆

次太谷河東節度留後太原尹兼御史大夫鮑防與回
紇戰於陽曲我師敗績死者千餘人代州都督張光晟
與回紇戰於羊武谷破之回紇引退先是辛雲京守太
原回紇懼雲京不敢窺并代知鮑防無武畧乃敢凌逼
賴光晟邀戰勝之北人乃安德宗初卽位使中官梁文
秀告哀於回紇且修舊好可汗移地健不爲禮而九姓
胡素屬於回紇者又陳中國便利以誘其心可汗乃舉
國南下將乘我喪其宰相頓莫賀達干諫曰唐大國也

且無負於我前年入太原獲羊馬數萬計可謂大捷矣
以道途艱阻比及國傷耗殆盡今若舉而不捷將安歸
乎可汗不聽頓莫賀乘人之心因擊殺之并殺其親信
及九姓胡所誘來者凡二千人頓莫賀自立號爲合骨
咄祿毘伽可汗使其酋長建達干隨文秀來朝

建中元年命

京兆尹源休持節冊爲武義成功可汗

始回紇至中國常參以九姓胡

往往留京師至千人居貲殖產甚厚會酋長突董翳蜜
施大小梅錄等還國裝橐係道留振武三月供擬珍豐
費不貲軍使張光晟陰伺之皆盛女子以橐光晟使驛
吏刺以長錐然後知之已而聞頓莫賀新立多殺九姓
胡人懼不敢歸往往亡去突董察視嚴亟羣胡獻計於
光晟請悉斬回紇光晟許之卽上言回紇非素強助之
者九胡爾今其國亂兵方相加而虜利則往財則合無
財與利一亂不振不以此時乘之復歸人與幣是謂借

賊兵資盜糧也乃使裨校陽不禮突董果怒鞭之光晟
因勒兵盡殺回紇羣胡收橐它馬數千緡錦十萬且告
曰回紇扶大將謀取振武謹先誅之部送女子還長安
帝召光晟還以彭令方代之遣中人與回紇使聿達干
往言其端因欲與虜絕敕源休俟命太原明年乃行因
歸突董等四喪突董可汗諸父也源休至可汗令大臣
具車馬出迎其大相頡干伽斯踞坐責休等殺突董事
休言彼自與張光晟鬪死非天子命又曰使者皆負死
罪唐不自戮何假手於我耶良久罷去休等幾死留五
旬卒不見可汗可汗傳謂休曰國人皆欲爾死我獨不
然突董等已亡今又殺爾猶以血濯血徒益汙吾以水
濯血不亦善乎爲我言有司所負馬直一百八十萬可
速償我遣散支將軍康赤心等貞元三年八月回紇可
隨休來朝帝隱忍賜以金緡

汗遣首領墨啜達干多覽將軍合闕達干等來貢方物

且請和親

帝蓄前患未平謂宰相李泌曰和親待子孫

帝曰然朕方天下多難未能已泌曰陛下豈以陝州故憾乎
等乃牟羽可汗也知陛下卽位必償怨乃謀先苦邊然

兵未出爲今可汗所殺矣今可汗初立遣使來告垂髮
不翦待天子命而張光晟殺突董等雖幽止使人然卒
完歸則爲無罪矣帝曰卿言則然顧朕不可負少華等
奈何泌曰臣謂陛下在藩春秋未壯而輕度河入其營所謂
長身赴難陛下爲少華等計當先定會見禮臣猶危之
冒豺虎之場也爲臣昔爲先帝行軍司馬方葉護來先帝
奈何子然赴哉臣昔爲先帝行軍司馬方葉護來先帝
祇使宴於府及議征討則不見也葉護邀臣至營帝不
許使好謂曰主當勞客客反勞主邪東收京師約曰土
地人衆歸我王帛子女予回紇戰勝葉護欲大掠代宗
下馬拜之回紇乃東向洛臣猶恨以元帥拜葉護於馬
前爲左右過然先帝曰王仁孝足辦朕事下詔尉勉葉
護乃牟羽諸父也牟羽之來陛下以元子不拜於帳下
而可汗不敢少有失於陛下則陛下未嘗屈矣先帝拜
葉護全京城陛下乃不拜可汗固伸威爲是乎藉令少華
計香積陝州事以屈已爲是乎仲威爲是乎藉令少華
等以陛下見可汗閉壁五日與陛下張飲天下豈不寒
心哉而天助威神使豺狼馴服牟羽母捧陛下以貂裘
叱左右促命騎躬送出營此少華負陛下也假令牟羽
爲有罪則今可汗已殺之立者乃牟羽從父兄是爲有

功渠可忘之邪且回紇可汗銘石立國門曰唐使來當使知我前後功云今請和必舉部南望陛下不之答其怨必深願聽昏而約用開元故事如突厥可汗稱臣使者來不過二百市馬不過千不以唐人出塞亦無不可者帝曰善乃許降公主回紇亦請如約詔咸安公主下嫁又詔使者合闕達干見公主於麟德殿使中謁者齎公主畫圖賜可汗

四年十月回紇公主

可汗妹骨咄祿昆伽公主

及使至自

蕃德宗御延喜門見之時回紇可汗喜於和親其禮甚

恭上言昔爲兄弟今爲子婿半子也

又請易回紇曰回鶻言捷鷲如鶻然

又詈辱吐蕃使者及使大首領

宰相跌都督

等妻妾凡五十

六婦人來迎可敦凡遣人千餘納聘馬二千

跌跌至振武爲室韋

所鈔戰死有詔其下七百人皆聽其朝

德宗令朔州太原分留七百人其

宰相首領皆至分館鴻臚將作癸巳見於宣政殿乙未

德宗召回紇公主出使者對於麟德殿各有頒錫帝欲

鶻公主問禮於李泌對曰肅宗於煥煌王為從祖兄回鶻妻以女見帝於彭原獨拜廷下帝呼曰婦而不名嫂

也當艱難時方藉其用猶以臣之况今日乎於是引回鶻公主入銀臺門長公主三人候諸內譯史傳導拜必

答揖與進帝御秘殿長公主先入侍回鶻公主入拜謁

已內司賓導至長公主所又譯史傳問乃與俱入至宴

所賢妃降階俟回鶻公主拜賢妃答拜又拜召已由西

階升乃坐有賜則降拜非帝賜則避席拜妃公主皆答

拜訖歸庚子詔咸安公主降回紇可汗仍置府官屬視

凡再饗

親王例以殿中監嗣滕王湛然為咸安公主婚禮使闕

播檢校右僕射送咸安公主及冊回紇可汗使可汗為

長壽天親毘伽可汗公主為貞元五年十二月回紇汨

智惠端正長壽孝順可敦

咄祿長壽天親毘伽可汗薨廢朝三日文武三品已上

就鴻臚寺弔其來使

子多邏斯立國人號汗官特勒

貞元六年六月回

紇使移職伽達干歸蕃賜馬價絹三十萬匹以鴻臚卿

郭鋒兼御史大夫克冊回紇

愛登里邏汨沒蜜施俱錄毘伽

忠貞可汗

使是歲四月忠貞可汗爲其弟所殺而篡立

可汗爲少可敦葉公

主毒死可敦亦僕固懷恩之孫懷恩子爲回時回紇大鵲葉護故女號葉公主云可汗之弟乃自立

將頡干伽斯西擊吐蕃未回其次相率國人縱殺篡者

而立忠貞之子

阿

爲可汗年方十六七及六月頡干伽

斯西討回將至牙帳次相等懼其後有廢立不欲漢使

知之留鋒數月而回頡干伽斯之至也可汗等出迎郊

野陳郭鋒所送國信器幣可汗與次將相等皆俯伏自

說廢立之由且請命曰惟大相生死之悉以所陳器幣
贈頡干伽斯以悅之可汗又拜泣曰兒愚幼無知今幸
得立惟仰食於阿爹可汗以子事之頡干伽斯以卑遜
興感乃相持號哭遂執臣子之禮焉盡以所贈器幣頒
賜左右諸行從將士已無所取自是其國稍安乃遣達
北特勒梅錄將軍告忠貞可汗之哀於我且請冊新君
使至廢朝三日仍令三品已上官就鴻臚寺弔其使是
歲吐蕃陷北庭都護府初北庭安西旣假道於回紇以
朝奏因附庸焉

初安西北庭自天寶末失關隴朝貢道隔伊西北庭節度使李元忠四鎮節度

留後郭昕數遣使奉表皆不至貞元二年元忠所遣假道回鶻乃得至長安帝進元忠爲北庭大都護昕爲安

西大都護自是道始通

回紇徵求無厭北庭差近凡事生之資必

強取之又有沙陀部落六千餘帳與北庭相依亦屬於

回紇肆行抄奪尤所厭苦其先葛祿部落及白服

新書服下

同突厥素與回紇通和亦憾其侵掠因吐蕃厚賂見誘

遂附之於是吐蕃率葛祿白服之衆去冬寇北庭回紇

大相頡干伽斯率衆援之頻敗吐蕃急攻之北庭之人

旣苦回紇乃舉城降焉沙陀部落亦降節度使檢校工

部尚書楊襲古將麾下二千餘衆出奔西州頡干伽斯

不利亦還七年秋悉其國丁壯五萬人召襲古將復焉

俄爲所敗死者大半頡干伽斯收合餘燼晨夜奔還襲

古餘衆僅六七百將復入西州頡干伽斯給之曰且與
我同至牙帳當送君歸本朝旣及牙帳留而不遣竟殺
之自是安西阻絕莫知存亡唯西州之人猶固守焉頡
干伽斯敗葛祿乘勝取回紇之浮圖川回紇震恐悉遷
西北部落羊馬於牙帳之南以避之貞元七年五月庚
申朔以鴻臚少卿庾鋌兼御史大夫冊回紇奉誠可汗及
弔祭使是月回紇遣使律支達干等來朝告小寧國公
主薨廢朝三日故肅宗以寧國公主降回紇又以榮王
女媵之及寧國來歸榮王女爲可敦回紇號爲小寧國
公主歷配英武英義二可汗及天親可汗立出居於外

生英武二子爲天親可汗所殺無幾薨七年八月回紇

遣使獻敗吐蕃葛祿於北庭所捷及其俘畜先是吐蕃

入靈州爲回紇所敗夜以火攻駭而退十二月回紇遣

殺支將軍獻吐蕃俘大首領結心德宗御延喜門觀之

八年七月以回紇藥羅葛靈新書檢校右僕射靈本唐

人姓呂氏因入回紇爲可汗養子遂以可汗姓爲藥羅

葛靈在國用事因來朝寵賚甚厚仍給市馬絹七萬匹

九年九月遣使來朝貢貞元十一年可汗死無子國人立其相骨咄祿可

汗以使六年庚寅詔秘書監張薦持節冊拜回紇騰新書作里邏

羽錄沒密施合胡祿毘伽懷信可汗骨咄祿本跌跌氏少孤爲大首領所

養辨敏材武當天親時數主兵諸酋尊畏至是以藥羅
葛氏世有功不敢自名其族而盡取可汗子孫內之朝
廷永貞元年可汗死詔鴻臚少卿孫杲臨弔冊所嗣為
滕里野合俱錄毘伽可汗元和初始以摩尼至其法日
晏食飲水茹葷屏湮酪可汗嘗與共國者也摩尼至京
師歲往來西市商賈頗與囊橐為姦三年來告咸安公
主喪主歷四可汗居回鶻凡二十一歲無幾可汗亦死
憲宗使宗正少卿李孝誠冊拜愛登里羅蜜汨施合毗
伽保義可汗元和四年謫德曷里祿沒弭施合密毗伽可汗

遣使改為回鶻義取回旋輕捷如鶻也

新書在貞元四年當從新書

八年四月回鶻請和親使伊難珠還蕃宴於三殿賜以

銀器繒帛是歲回鶻數千騎至鷁鶻泉邊軍戒嚴

於是振武

以兵屯黑山治天德城備虜禮部尚書李絳奏言回鶻
強盛北邊空虛一為風塵則弱卒非抗敵之夫孤城為
不守之地倘陛下懷此增甲兵飭城壘中夏長策生人
大幸也臣觀今日處置未得其要夫邊憂有五請歷言

之北狄貪墨唯利是視比進馬規直再歲不至豈厭綰帛一利哉始欲風高馬肥而肆侵軼故外攘內備必煩朝廷一可憂兵力未完斥候未明戈甲未備城池未固飭害攻守險易當謀之邊將今乃規河塞之外裁廟堂之上虜猝犯塞應接失便三可憂自修好以來山川形勝兵戍滿虛虜皆悉之賊掠諸州調發在旬朔外其係累人畜在旦夕內比王師至則虜已歸寇能久留役亦轉廣四可憂吐蕃結約西戎素相攻討故邊無虞今回鶻不市馬若與吐蕃結約西戎素相攻討故邊無虞今回鶻不市禍五可憂又淮西吳少陽垂死可乘其變諸道與發且十倍臣謂宜聽其昏使守藩禮所謂三利也和親則烽燧不驚城堞可治盛兵以畜力積粟以固軍一也旣無北顧憂可南事淮右申令於垂盡之寇二也北虜恃我威則西戎怨愈深內不得寧國家坐受其安寇掠長息三也今舍三利取五憂甚非計或曰降主費多臣謂不然我三分天下賦以一事邊今東南大縣賦歲二十萬緡以一縣賦爲昏費非損寡得大乎今惜昏費不與假如王師北征兵非三萬騎五千不能扞且馳也又如保十全之勝一歲輒罷其饋餉供擬豈止一縣賦哉帝

不聽十二月二日宴歸國回鶻摩尼八人令至中書見宰

臣先是回鶻請和親憲宗使有司計之禮費約五百萬貫方內有誅討未任其親以摩尼爲回鶻信奉故使宰臣言其不可乃詔宗正少卿李孝誠使於回鶻太常博士殷侑副之諭其來請之意

穆宗立回鶻又使合達干等來固求昏許之

長

慶元年毘伽保義可汗薨輟朝三日仍令諸司三品已上官就鴻臚寺弔其使者四月正衙冊回鶻君長爲登

羅

新書

羽錄沒密施句主錄

新書無錄字

毗伽

崇德

可汗以少

府監裴通爲檢校左散騎常侍兼御史大夫持節冊立兼弔祭使五月回鶻宰相都督公主摩尼等五百七十

三人入朝迎公主於鴻臚寺安置敕太和公主出降回鶻爲可敦宜令中書舍人王起赴鴻臚寺宣示以左金吾衛大將軍胡証檢校戶部尚書持節充送公主入回鶻及冊可汗使光祿卿李憲加兼御史中丞充副使太常博士殷侑改殿中侍御史充判官吐蕃犯青塞堡以回紇和親故也鹽州刺史李文悅發兵擊退之回鶻奏以一萬騎出北庭一萬騎出安西拓吐蕃以迎太和公主歸國其月敕太和公主出降回鶻宜特置府其官屬宜視親王例回鶻自咸安公主歿後屢歸款請繼前好久未之許至元和末其請彌切憲宗以北虜有勲勞於

王室又西戎比歲爲邊患遂許以妻之旣許而憲宗崩

穆宗卽位踰年乃封第十妹爲太和公主將出降回鶻

登邏骨歿密施合毘伽可汗可汗號與前異未詳遣使伊難珠句

錄都督思結并外宰相駙馬梅錄司馬兼公主一人葉

護公主一人及達干并馳馬千餘來部渠二千人納馬二萬橐駝千四夷

之使中國其衆未有多此詔許五百人至長安餘留太原迎太和公主發赴回紇國

冊拜主爲仁孝端麗明智上壽可敦告於廟穆宗御通化新書門左个臨送

使百寮章敬寺前立班儀衛甚盛士女傾城觀焉十一

月振武節度張惟清奏準詔發兵三千赴蔚州數內已

發一千人訖餘二千人待太和公主出界卽發遣又奏

天德轉牒云回鶻七百六十人將馳馬及車相次至黃

蘆泉迎候公主豐州刺史李祐奏迎太和公主回鶻三

千於卿泉下營拓吐蕃二年二月賜回紇馬價絹五萬

匹三月又賜馬價絹七萬匹是月裴度招討幽鎮之亂

回鶻使渠將李義節請以兵從度討伐平河朝議以寶應初回

紇收復兩京恃功驕恣難制咸以爲不可遂命中使止

回鶻令歸會其已上豐州北界不從上詔發繒帛七萬

匹賜之方還閏十月金吾大將軍胡証副使光祿卿李

憲婚禮使衛尉卿李銳副使宗正少卿李子鴻判官虞

邵郎中張敏太常博士殷侑送太和公主至自回紇皆

云初公主去回鶻牙帳尚可信宿可汗遣數百騎來請
與公主先從他道去胡証曰不可虜使曰前咸安公主
來時去花門數百里卽先去今何獨拒我証曰我天子
詔送公主以授可汗今未見可汗豈宜先往虜使乃止
旣至虜庭乃擇吉日冊公主爲回鶻可敦可汗先升樓
東向坐設氊幄於樓下以居公主使羣胡主教公主以
胡法公主始解唐服而衣胡服以一姬侍出樓前西向
拜可汗坐而視公主再俯拜訖復入氊幄中解前所服
而披可敦服通裾大襦皆茜色金飾冠如角前指後出
樓俯拜可汗如初禮虜先設大輿曲展前設小座相者

引公主升輿回鶻九姓相分負其輿隨日右轉於庭者
九公主乃降輿升樓與可汗俱東向坐自此臣下朝謁
并拜可敦可敦自有牙帳命二相出入帳中証等將歸
可敦宴之帳中留連號啼者竟日可汗因贈漢使以厚
貺五月敬宗卽位之年可汗死其弟曷薩特勒立命使冊立登囉汨沒密施
合毘伽昭禮可汗遣品官田務豐領國信十二車使回
鶻賜可汗及太和公主案敬宗紀在寶曆元年五月大新書作敬宗卽位之年誤大

和元年命中使以絹二十萬匹付鴻臚寺宣賜回鶻充
馬價三年正月中使以絹二十三萬匹賜回鶻充馬價
七年三月回紇李義節等將駝馬到且報可汗三月二

十七日薨

案文宗紀大和七年四月辛酉回鶻可汗卒四月戊午朔則辛酉為是月四日非三月二

十七日而上文之三月亦誤矣新書六年可汗為其下所殺不書月蓋事在六年赴於七年故舊書紀傳皆在

七年而文宗紀四月甲申即命使冊可汗疑當從新書已冊親弟薩特勒

新書從子胡特

勒立案曷薩特勒即昭禮可汗此當作胡特勒下薩特勒皆誤廢朝三日仍令諸司文

武三品尚書省四品已上官就鴻臚寺弔其使者以左

驍衛將軍皇城留守唐宏實為金吾將軍兼御史大夫

與嗣澤王溶

持節充入回鶻弔祭冊立使

冊為愛登里囉汨沒蜜施合句錄毘

伽彰信可汗

九年六月入朝回鶻進太和公主所獻馬射女

子七人沙陀小兒二人開成初其相有安允合者與特

勒柴草欲篡薩特勒可汗薩特勒可汗覺殺柴草及安

允合又有回鶻相掘羅勿者擁兵在外怨誅柴草安允

合又殺薩特勒可汗開成四年掘羅勿作難引以廬馭

特勒爲可汗方歲饑遂疫又大雪羊馬多死未及命武宗卽位以嗣澤王洛臨告乃知其國亂

有將軍句錄莫賀恨掘羅勿走引黠戛斯領十萬騎破

回鶻城殺廬馭斬掘羅勿燒蕩殆盡回鶻散奔諸蕃有

回鶻相馭職者擁外甥麗特勒及男鹿并遏粉等兄弟

五人一十五部西奔葛邏祿一支投吐蕃一支投安西

又有近可汗牙十三部以烏介特勒爲可汗保錯南來子

附漢初黠戛斯破回鶻得太和公主黠戛斯自稱李陵

之後與國同姓遂令達干十人送公主至塞上烏介途

遇黠憂斯使達干等並被殺太和公主却歸烏介可汗

乃質公主同行南度大磧至天德界奏請天德城與太

和公主居

進攻天德城振武節度使劉沔屯雲伽關拒卻之宰相李德裕建言回鶻曩有功今饑且

亂可汗無歸不可擊宜遣使者瞻安之帝用兵部郎中李拭行邊刺狀

有回鶻相赤心者

與連位相姓僕固者與

王子溫沒斯

特勒那頡頏擁部衆不

賓烏介赤心欲犯塞

公主亦遣使者來言烏介已立因請命又大臣頡干伽恩等表假振

武居公主可汗帝乃詔右金吾衛大將軍王會持節撫慰其衆輸糧二萬斛不許借振武令中人好語開諭又

詔使者持冊往潛稽其行須變

烏介遣其屬

文溫沒斯

難以赤心姦桀難得要領

先

布誠於天德軍使田牟然後誘赤心宰相同謁烏介可

汗戮赤心於可汗帳下

案溫沒斯乃與赤心同叛者新書溫沒斯誘赤心斬田牟帳下

此烏介可并僕固二人那頡頏戰勝全占赤心下七千
汗句誤

帳東瞰振武大同據室韋黑沙榆林東南入幽州雄武

軍西北界幽州節度使張仲武遣弟仲至率兵大破那

頡頏之衆全收七千帳殺戮收擒老小近九萬人那頡

頏中箭透駝羣潛脫烏介獲而殺之烏介諸部猶稱十

萬衆駐牙大同軍北閭門山時會昌二年秋頻劫東陝

已北天德振武雲朔比羅俘戮

溫沒斯遣使送款帝欲使助可汗復國而可汗

已攻雲州劉詔諸道兵悉至防捍以河東節度使劉沔

沔與戰敗績

充南面招控回鶻使以幽州節度使張仲武充東面招

控回鶻使二年冬三年春回鶻特勒龐俱

新書

遮阿敦

寧二部回紇公主密羯可敦一部外相諸洛固阿跌一

部及牙帳大將曹磨你等七部共三萬衆相次降於幽

州詔配諸道有特勒溫沒斯阿歷支習勿啜三部回鶻

相愛耶勿宏順回鶻尚書呂衡等諸部又特勒大降振首二千騎

武三部首領皆賜姓李氏及名思忠思貞思惠思恩新

思義思禮無充歸義使詔拜溫沒斯爲右金吾衛大將軍

思惠思恩軍使阿歷支寧邊郡公習勿啜昌化郡公

烏羅思寧朔郡公並爲冠軍大將軍左威衛大將軍愛

邪勿寧塞郡公爲右領軍大將軍加賜溫沒斯牙旗豹

尾刀器諸物給其屬冠帶詔宰相德裕采秦漢以來興

殊俗忠效卓異者凡三十人爲異域歸忠傳寵賜之溫

沒斯請留族太原率昆弟爲天子捍邊帝命劉沔爲列

舍雲朔間處其家可汗進掠大同川轉戰攻雲州刺史嬰

德城帝不許可汗進掠大同川轉戰攻雲州刺史嬰

壁不敢出詔益發諸鎮兵屯太原以北盟沒斯等既朝
皆賜李氏名盟沒斯曰思忠阿歷支曰思貞習勿啜曰
思義烏羅思曰思禮愛邪勿曰宏順即拜歸義有特勒
軍副使思忠為西党項都將西南面招討使

葉被沽兄李二部南奔吐蕃有特勒可質力二部東北

奔大室韋有特勒荷勿啜東討契丹戰死劉沔營鴈門又詔銀州刺史

史何朝清蔚州刺史契苾通以蕃渾兵出振武與沔仲

武合稍逼回鶻思忠數深入諭降其下沔分沙陀兵益

思忠河中軍以騎五百益宏順沔進次雲州思會昌三

忠屯保大柵率河中陳許兵與回鶻戰敗之年又為宏回鶻尚書僕固繹到幽州約以太和公主歸

幽州烏介去幽州界八十里下營其親信骨肉及摩尼

志淨等四人已先入振武軍沔與天德行營副使石雄料勁騎及沙陀契苾等雜

虜夜出雲州走馬邑抵是夜河東劉沔率兵奄至烏介

安眾塞逢虜與戰破之

營

雄馳入夜穴
壘出塵兵

烏介驚走東北約四百里外

追北至殺
胡山烏介

被創走

依和解室韋下營不及將太和公主同走豐州刺

史石雄兵遇太和公主帳

降特勒以下衆數萬盡
收輜帑及所賜詔書

因迎

歸國

可汗收所餘往依黑車子詔宏順清朝窮蹙宏順
厚啗黑車子以利募殺烏介帝詔德裕紀功銘石

於幽州以夸後世思忠等以國亡皆願入朝見聽遂罷
歸義軍擢思忠左監門衛上將軍兼撫王傅兩京其奉

賜第永樂坊分其兵賜諸節度虜人憐隸食諸道賸淳
沱河飯劉汚坑殺三千人詔回鶻營功德使在二京者

悉冠帶之有司收摩尼書
若象繞於道貲產入之官烏介部眾至大中元年詣幽

州降留者漂流餓凍數十萬所存止三千已下烏介嫁

妹與室韋託附之爲回鶻相美權者逸隱啜逼諸回鶻

殺烏介於金山

新書爲黑
車子所殺

以其弟遏捻特勒爲可汗復

有衆五千已上其食用糧羊皆取給於奚王石舍郎

新書

碩舍朗

大中元年春張仲武大破奚衆其回鶻無所取給

日有耗散至二年春唯存名王貴臣五百人已下依室韋張仲武因賀正室韋經過幽州仲武却令還蕃遣送遏捻等來向幽州遏捻等懼是夜與妻葛祿子特勒壽斯等九騎西走餘衆奔之不及回鶻諸相達官老幼大哭室韋分回鶻餘衆爲七分七姓室韋各占一分經三宿黠戛斯相阿播領諸蕃兵稱七萬從西南天德北界來取遏捻及諸回鶻大敗室韋回鶻在室韋者阿播皆收歸磧北在外猶數帳散藏諸山深林盜劫諸蕃皆西

向傾心望安西龐特勒之到龐特勒已自稱可汗有積

西諸城

宣宗務綏柔荒遠遣使者抵靈州省其酋長回鶻因遣人隨使者來京師帝即冊拜嗛祿登里

邏汨沒蜜施合俱錄昆伽懷建可汗後十餘年一再獻方物懿宗時大酋僕固俊自北庭擊吐蕃斬論尚熱蓋取西州輪臺等城使達于米懷王朝且獻俘因請命詔可其後王室亂貢會不常昭宗幸鳳翔靈州節度使韓遜表回鶻請率兵赴難翰林學士韓偓曰虜爲國仇舊矣自會昌時伺邊羽翼未成不得逞今乘我危以冀幸不可開也其後嗣君弱臣強居甘州無復昔時之盛到遂格不報

今時遣使入朝進玉馬二物及本土所產交易而退

史臣曰自三代已前兩漢之後西羌北狄互興部族其名不同爲患一也蔡邕云邊陲之患爲手足之疥中國之困爲胷背之疽突厥爲煬帝之患深矣隋竟滅中國

之困其理昭然自太宗平突厥破延陀而回紇興焉太宗幸靈武以降之置州府以安之以名爵玉帛以恩之其義何哉蓋以狄不可盡而以威惠羈縻之開元中三綱正百姓足四夷八蠻翕然向化要荒之外畏威懷惠不其盛矣天寶末奸臣弄權於內逆臣跋扈於外內外結讐而車駕遽遷華夷生心而神器將墜肅宗誘回紇以復京畿代宗誘回紇以平河朔戡難中興之功大卽大矣然生靈之膏血已乾不能供其求取朝廷之法令並弛無以抑其悲陵忍耻和親姑息不暇僕固懷恩爲叛尤甚阼危郭子儀之能軍終免侵軼比昔諸戎於國

之功最大爲民之害亦深及勢利日隆盛衰時變水消
瓦解如存若亡竟爲手足之疥焉僖昭之世黃朱迭興
竟爲胷背之疽焉手疥背疽誠爲確論

贊曰土德初隆比屋可封朝綱中否邊鄙興戎安史亂
國回紇恃功恃功伊何咸議姑息民不聊生國殫其力
華夷有截盛衰如織彼旣長惡我乃修德疽疥之義百
代可則

新書贊曰夷狄資悍貪人外而獸內惟剽奪是視故
湯武之興未嘗與共功蓋疏而不戚也太宗初興嘗
用突厥矣不勝其暴卒縛而臣之肅宗用回紇矣至
畧華人辱太子笞殺近臣求索無倪德宗又用吐蕃
矣劫平涼敗上將空破西陲所謂引外禍平內亂者
也夫用之以權制之以謀惟太宗能之若二主懦昏

唐書卷第二百五十七下

魏三墓

從新書增

沙陀

沙陀西突厥別部處月種也始突厥東西部分治烏孫故地與處月處蜜雜居貞觀七年太宗以鼓纛立利邲咄陸可汗而族人步真觐望謀并其弟彌射乃自立彌射懼率處月等入朝而步真勢窮亦歸國其留者咄陸以射匱特勒劫越之子賀魯統之西突厥寢強內相攻其大酋乙毗咄陸可汗建庭鏃曷山之西號北庭而處月等又隸屬之處月居金娑山之陽蒲類之東有大磧名沙陀故號沙陀突厥云咄陸寇伊州引二部兵圍天

山安西都護郭孝恪擊走之拔處月俟斤之城後乙毗
可汗敗奔吐火羅賀魯來降詔拜瑤池都督徙其部廷
州之莫賀城處月朱邪闕俟斤阿厥亦請內屬永徽初
賀魯反而朱邪孤注亦殺招慰使連和引兵據牢山於
是射脾俟斤沙陀那速不肯從高宗以賀魯所領授之
明年弓月道總管梁建方契苾何力引兵斬孤注俘九
千人又明年廢瑤池都督府卽處月地置金蒲沙陀二
州皆領都督賀魯亡安撫大使阿史那彌射次伊麗水
而處月來歸乃置崑陵都護府統咄陸部以彌射爲都
護龍朔初以處月酋沙陀金山從武衛將軍薛仁貴討

鐵勒授墨離軍討擊使長安二年進爲金滿州都督累封張掖郡公金山死子輔國嗣先天初避吐蕃徙部北庭率其下入朝開元二年復領金蒲州都督封其母鼠尼施爲鄯國夫人輔國累爵永壽郡王死子骨咄支嗣天寶初回紇內附以骨咄支兼回紇副都護從肅宗平安祿山拜特進驍衛上將軍死子盡忠嗣累遷金吾衛大將軍酒泉縣公至德寶應間中國多故北庭西州閉不通朝奏使皆道出回紇而虜多漁獵尤苦之雖沙陀之倚北庭者亦困其暴歛貞元中沙陀部七千帳附吐蕃與共寇北庭陷之吐蕃徙其部甘州以盡忠爲軍大

論吐蕃寇邊常以沙陀爲前鋒久之回鶻取涼州吐蕃
疑盡忠持兩端議徙沙陀於河外舉部愁恐盡忠與朱
邪執宜謀曰我世爲唐臣不幸陷污今若走蕭關自歸
不愈於絕種乎盡忠曰善元和三年悉衆三萬落循烏
德鞬山而東吐蕃追之行且戰旁洮水奏石門轉關不
解部衆畧盡盡忠死之執宜哀癰傷士裁二千騎七百
雜畜橐它千計欸靈州塞節度使范希朝以聞詔處其
部鹽州置陰山府以執宜爲府兵馬使沙陀素健鬪希
朝欲藉以捍虜爲市牛羊廣畜牧休養之其童羣白鳳
翔興元太原道歸者皆還其部盡忠弟葛勒阿波率殘

部七百叩振武降授左武衛大將軍兼陰山府都督執
宜朝長安賜金幣袍馬萬計授特進金吾衛將軍然議
者以靈武迫吐蕃恐多反覆生變又濱邊益口則食翔
價頃之希朝鎮太原因詔沙陀舉軍從之希朝乃料其
勁騎千二百號沙陀軍置軍使而處餘衆於定襄川執
宜乃保神武川之黃花堆更號陰山北沙陀是時天子
伐鎮州執宜以軍七百爲前鋒王承宗衆數萬伏木刀
溝與執宜遇飛矢雨集執宜提軍橫貫賊陣鏖鬪李光
顏等乘之斬首萬級鎮兵解進蔚州刺史王鶚節度太
原建言朱邪族孛熾散居北川恐啟野心願析其族隸

諸州勢分易弱也遂建十府以處沙陀八年回鶻過磧
南取西城柳谷詔執宜屯天德明年伐吳元濟又詔執
宜隸李光顏破蔡入時曲拔凌雲柵元濟平授檢校刑
部尙書猶隸光顏軍長慶初伐鎮州悉發沙陀與易定
軍犄角破賊深州執宜入朝留宿衛拜金吾衛將軍大
和中柳公綽領河東奏陘北沙陀素爲九姓六州所畏
請委執宜治雲朔塞下廢府十一料部人三千禦北邊
號代北行營授執宜陰山府都督代北行營招撫使隸
河東節度執宜死子赤心嗣開成四年回鶻徑磧口抵
榆林塞宰相掘羅勿以良馬三百遺赤心約共攻彰信

可汗可汗死節度使劉沔以沙陀擊回鶻於殺胡山久之伐潞誅劉稹詔赤心率代北騎軍三千隸石雄爲前軍破石會關助王宰下天井合太原軍次榆社與監軍使呂義忠禽楊弁潞州平遷朔州刺史仍爲代北軍使大中初吐蕃合黨項及回鶻殘衆寇河西太原王宰統代北諸軍進討沙陀常深入寇諸軍赤心所向虜輒披靡曰吾見赤馬將軍火生頭上始沙陀臣吐蕃其左老右壯溷男女畧與同而馳射趨悍過之虜倚其兵常苦邊及歸國吐蕃由此亦衰宣宗已復三州七關征西戌皆罷乃遷赤心蔚州刺史雲州守捉使龐勛亂詔義成

康承訓爲行營招討使赤心以突騎三千從承訓兵絕
渙水遇伏墮圍中幾沒赤心以騎五百揪出之勛欲速
戰衆八萬短兵接赤心勒勁騎突賊與官軍夾擊敗之
其弟赤衷以千騎追之毫東勛平進大同軍節度使賜
氏李名國昌預鄭王屬籍賜親仁里甲第回鶻叩榆林
擾靈鹽詔國昌爲鄜延節度使又寇天德乃徙節振武
進檢校司徒王仙芝陷荆襄朝廷發諸州兵討捕國昌
遣劉遷統雲中突騎逐賊數有功乾符三年段文楚爲
代北水陸發運雲州防禦使是時無年文楚腹損用度
下皆怨邊校程懷信王行審蓋寓李存璋薛鐵山康君

立等曹議曰世多難丈夫當投罅立功段公乃儒者難
共計沙陀雄勁李振武父子勇冠軍我若推之無不應
則代北唾手可定拾取富貴若何咸曰善乃夜謁國昌
子雲中守捉使克用曰歲艱稟食削吾等不忍餓死公
家威德著聞請誅虐帥安部內克用許之募得士萬人
趨雲州次鬪雞臺城中執文楚至殺之據州以聞共丐
克用爲大同防禦留後不許發諸道兵進捕諸道不甚
力而黃巢方引度江朝廷度未能制乃赦之以國昌爲
大同軍防禦使國昌不受命詔河東節度使崔彥昭幽
州張公素共擊之無功國昌與党項戰未決大同川吐

渾赫連鐸襲振武盡取其資械國昌窮挈騎五百還雲
州州不納鐸遂取之克用轉側蔚朔間裒兵纔三千屯
新城鐸引萬人圍之隧而攻三日不拔鐸兵殺傷甚國
昌自蔚州來鐸引去僖宗以鐸領大同節度畀討國昌
六年詔昭義李鈞爲北面招討使督潞太原兵屯代州
幽州李可舉會鐸攻蔚州國昌以一隊當之克用分兵
抵遮虜城拒鈞天大雪士輒仆鈞衆潰還代州軍遂亂
鈞死於兵廣明元年以李琢爲蔚朔招討都統率兵數
萬屯代州克用使傅文達調蔚朔兵朔州刺史高文集
縛以送琢琢進攻蔚州國昌敗與克用舉宗奔達靼鐸

密昇酋長圖之克用得其計因豪傑大會馳射百步外
針芒木葉無不中部人大驚卽倡言今黃巢北寇爲中
原患一日天子赦我願與公等南向定天下庸能終老
沙磧哉達剌知不留乃止巢攻潼關入京師詔河東監
軍陳景思發代北軍時沙陀都督李友金屯興唐軍薩
葛首領米海萬安慶都督史敬存屯感義軍克用客塞
下衆數千無所屬景思聞天子西乃與友金料騎五千
入居絳兵擅劫帑自私還代州益募士三萬屯隴西士
囂縱友金不能制謀曰今合大衆不得威名宿將且無
功吾兄司徒父子材而雄衆所推畏比得罪於朝僑戍

北部不敢還今若召之使將兵代北豪英一呼可集整
行伍鼓而南賊不足平也景思曰善乃丐赦國昌使討
賊贖罪有詔拜克用代州刺史忻代兵馬留後促本軍
討賊克用募達靼萬人趨代州將南道太原節度使鄭
從讜塞石嶺關不得前克用僞道至太原營城下五日
邀糧貲從讜不答乃大畧還屯代州中和二年蔚州刺
史蘇佑會赫連鐸兵將攻代州克用率騎五百先襲蔚
州下之祐屯美女谷鐸與幽州李可舉衆七萬攻蔚州
譙柵相屬克用直擣營入蔚州燔府庫棄而去屯雁門
國昌自達靼率兵歸代州擾汾并樓煩不釋鎧帝詔克

用還軍朔州於是義武節度使王處存河中節度使王重榮傳詔招克用同討巢克用喜卽大閱雁門得忻代蔚朔達靺衆三萬騎五千而南於是國昌守代州鄭從讜不肯假道克用軍傳太原而營奉幣馬遺從讜身從數騎呼曰我且西願與公一言從讜升陴慰勉歸貨幣饗餼克用乃自陰地趨晉會河中帝聞擢克用雁門節度神策天寧軍鎮遏忻代觀察使明年宰相王鐸承制授克用東北面行營都統河東監軍陳景思爲監軍使克用使弟克修領穀騎五百度河克用自夏陽濟留薛阿檀扼津口次同州壁乾阡與賊戰梁田坡敗之進壁

渭橋遂收京師功第一進同中書門下平章事隴西郡公國昌爲代北軍節度使未幾以克用領河東節度黃巢與秦宗權合寇河南四年克用率河東代北兵將自澤潞下天井關河陽諸葛爽堙井以拒克用乃由河中濟趨許州合徐汴兵破尙讓於太康戰西華又破之賊走河南平追北曹州還過汴朱全忠邀之克用留兵於郊入舍上源館夜帳飲全忠自佐饗進貲寶握手諄勞是時全忠忌克用桀邁難制則連車外環陳兵道左右克用醉乃攻館下拒戰親將郭景銖滅燭扶克用徐告之尙被酒乃引弓射會煙囂四合大震電克用與薛志

勤等間關升南譙門縋走營部下死者數百人。所獲賊乘輿物盡亡之。克用整衆歸太原。益訓兵。將報讐。使弟克勤以萬騎屯河中。乃請擊全忠使者。八返。內外震恐。帝使內謁慰解。尋進位檢校太傅。隴西郡王。光啟元年。幽州李可舉鎮州。王景崇言。易定故燕趙境。請取分之。於是可舉攻易州。下之。景崇攻無極。易定節度使王處存求救於克用。克用自將救。無極敗。鎮人攻馬頭固新城。鎮兵走。處存復取易州。鳳翔李昌符。邠寧朱玫與全忠連和。觀軍容使田令孜惡克用。與王重榮合。建言不可處近。輔請授王處存河中。而徙重榮於易定。則克用

孤矣帝從之重榮以告克用怒曰我當從公提鼓出汜水關誅全忠迴殲穴鼠耳重榮計曰公兵朝出關則邠岐兵夕傳吾堞願先治邠岐克用乃表言玫昌符連全忠爲亂請以兵十五萬度河梟二豎然後平汴雪大耻願陛下戒嚴無爲賊所揺帝遣使慰止背相望也克用不奉詔玫亦引邠鳳兵營沙苑克用薄戰玫敗夜亡去克用還河中天子出趣鳳翔道傳兵且至卽趨寶雞克用與重榮聯章請還宮願留兵衛京師卽還鎮帝懼走大散關駐興元克用引歸嗣襄王煜僞詔至太原克用燔之執其使問道奉表興元始朝廷意玫結克用迫乘

與及表至示羣臣因騰曉山南諸鎮行在稍安王行瑜
斬玫克用以千騎經畧京畿三年國昌卒俄而昭宗卽
位進克用檢校太師兼侍中大順初克用自攻赫連鐸
於雲州拔東郭幽州李匡威以兵三萬救之殺其將安
金俊克用走鐸與匡威共建言山南亂克用實首之今
乘其敗可伐而取也全忠亦請與河北三鎮共討之宰
相張濬是其計乃下制削克用官爵屬藉以濬爲兵馬
招討制置宣慰使京兆尹孫揆副之樞密使駱全諲爲
行營都監華州節度使韓建爲行營馬步都虞候兼供
軍糧料使王鎔領河東東面全忠南面李匡威北面並

爲行營招討使鐸副匡威先薄戰克用追蹙兵不肯行
共殺守將李克恭送款於汴獻首闕下更詔揆爲昭義
節度使克用將李存孝邀揆長子殺之匡威鐸并吐蕃
黠戛斯衆十萬攻遮虜軍殺其將劉胡子克用乃屯渾
河川存孝與鐸戰樂安鐸敗走濬入陰地關壁汾隰薛
鐵山李承嗣營洪洞迎戰存孝次趙城韓建夜出壯士
三百乘其營存孝伏以待建兵大奔存孝攻絳州未下
晉州刺史張行恭棄城走建與濬遁還明年克用奉表
自陳乃復拜檢校太師守中書令隴西郡王克用悉兵
攻鐸雲州以騎將薛阿檀爲前軍設伏河上鐸縱騎追

阿檀遇伏而奔鐸亡入吐渾克用取雲州以部將石善友爲刺史大同軍防禦使景福初鎮州王鎔攻堯山克用使李嗣勲擊之斬級三萬克用遂拔天長畧常山度滹沱燔其郭徇地至趙取鼓藁二城赫連鐸衆八萬攻天城軍克用飛檄發軍太原匡威已壁雲州北郊克用自神堆引軍夜入雲州死戰走之乾寧元年克用次新城鐸膝行詣軍門降克用鞭而縱之進下武州攻新州李匡籌引步騎七萬救之克用迎戰斬首萬級俘少將三百徇城下新州降取嬀州匡籌棄幽州走明年幽州降克用以劉仁恭爲留後乃旋王行瑜韓建李茂貞連

兵南關下殺李谿克用盡調北部兵度河拔絳州斬刺史王瑤次河中王珂謁於道同州王行約奔京師圍韓建於華州京師震動帝爲幸石門莎城遣內謁郗延昱慰勞且言茂貞屯鰲屋行瑜屯興平克用乃進營渭橋帝以嗣延王戒丕嗣丹王允詔克用擊郗寧克用奉詔屯渭北遣史儼以驃騎三千護石門且令王珂輸河中粟備行在帝以赤詔嘉咎進克用諸道兵馬都招討使命二嗣王兄事之令促討行瑜克用請帝還京師以二千騎衛乘輿時宮室煨殘駐尙書省百官喪馬克用進乘輿金貝裝二駟又上百乘給從官進太師兼中書令

邠寧四面行營都統行瑜堅壁梨園茂貞自率師三萬
逼咸陽而屯克用請帝責茂貞罷兵因削官爵願與河
中共討之帝詔第事行瑜貸茂貞俾結好朱詔賜魏國
夫人陳氏陳襄陽人也善書帝所愛欲急平賊故予之
茂貞以兵援龍泉克用使李罕之李存審夜引兵劫其
餉援兵亡行瑜潰而走追殺萬計行瑜入邠州丐歸歟
克用使史儼入其城行瑜死慶州傳首京師帝悉論幕
府官屬及諸子功封爵之克用賜號忠貞平難功臣進
封晉王克用屯雲陽遣李習吉入朝且請與王珂悉力
討茂貞帝不許克用私於使者曰叛根不除憂未艾也

天子發度支錢三十萬緡勞其軍時鄆州朱宣兄弟爲全忠所困使來告克用請道於魏救之兵解復鬪克用自將而往使李存信率兵三萬與史儼等次於莘爲魏兵所破克用怒大畧相魏去始茂貞畏克用見討修貢獻如藩臣及克用還絕貢獻與韓建謀以兵入朝帝懼詔克用進衛京師帝謀度河幸太原遣延王入克用軍促迎天子旣次渭北建固請幸華州克用謂王曰患本於不斷顧上自爲之李存信攻魏葛從周引衆三萬來援戰洹水上汴人夜坎諸野閤令克用子落落馬陷而顛克用救之亦顛追兵追射之乃免存信已傳魏城克

用并力羅宏信以捉生逆戰爲克用所敗追及郭昫圍而還於是陝州王珙攻河中李嗣昭援珂再戰再勝珙圍解帝使延王持節至太原謂克用曰不用卿計故逮此無可言者今我寄於華百司羣官無所托非卿尙誰與憂不則不復見宗朝矣王至太原克用留累月每大張飲王必以舞屬克用因陳國事涕數行下冀感動之時劉仁恭據幽州貳於克用數召兵不應克用以書讓之仁恭得書抵於地遂顯絕故克用內憂幽州以好辭謝王不復有西意俄自將屯蔚州會晨大雩冥仁恭來薄戰克用大敗走太原大將多死全忠奪邢磁洛三州

茂貞度克用沮撓無能出師乃與韓建設好致書言帝
暴露累年請共治宮室迎天子初長安自石門之奔宮
殿焚圯及岐人再逆火間里皆盡宮城昏夜狐狸鳴啼
無人迹帝幸華西溪望舊京必泣然流涕左右悽塞不
得語王建方盜兩川茂貞欲披其鄙私之數南師不暇
東而全忠繕治洛陽茂貞因約克用共其勞克用辭窮
乃出貲爲助光化初帝還京師詔克用與全忠解讐宰
相徐彥若崔肩皆勸之克用勢已折然尙以功高位全
忠上耻先下之時王鎔方睦於汴乃遺書鎔使爲已倡
全忠卽遣使奉書幣恭甚克用亦報之然汴日益張窮

關不置王珙請汴兵攻河中克用使李嗣昭張漢瑜援之汴兵走葛從周取承天軍氏叔琮取遼州樂平進壁榆次克用使周德威逐出之李嗣昭以步騎三萬下太行畧河內拔懷州進攻河陽汴人閻寶救之嗣昭退保懷天復元年全忠取晉絳逼河中王珂告急使相望汴人扼空道晉兵不得前遂虜珂珂妻克用女不能救全忠遂有河中克用朝貢道亦梗全忠知克用迄不振乃大舉攻太原分遣銳將氏叔琮等率魏博兗鄆邢洺義武晉絳兵環入之晉城邑多下會大雨汴軍糧乏士瘡癘遂解克用雖內憤悒憚全忠強難與爭乃厚致幣馬

謝復請修好全忠遂取同華屯渭上帝如鳳翔李茂貞
韓全誨請召克用入衛克用間道遣使者奔問并詒書
全忠勸還汴全忠不答克用率兵趨平陽攻吉上堡破
汴軍於晉州李嗣昭周德威下慈隰進屯河中汴將朱
友寧以兵十萬壁其南全忠自屯晉州晉人聞全忠至
皆失色時有虹貫德威營氏叔琮薄壘疾鬪晉兵大敗
仗械輜儲皆盡友寧長驅畧汾慈隰州皆下遂圍太原
攻西門德威嗣昭循山挈餘衆得歸克用大恐身荷版
築率士拒守陰與嗣昭德威謀奔雲州李存信曰不如
依北蕃國昌妻劉語克用曰聞王欲委城入蕃審平計

誰出曰存信等爲此劉曰彼牧羊奴安辦遠計王常笑
王行瑜失城走而死若何傲之且王項居達軋危不免
必一朝去此禍不旋跬渠能及北虜哉克用悟乃止居
數日散士復集嗣昭夜擾友寧營汴人驚引去德威追
之抵白壁關復收慈隰汾三州三年克用攻晉州聞帝
自鳳翔還京師乃去雲州都將王敬暉殺刺史劉再立
以地予劉仁恭李嗣昭討之仁恭援敬暉嗣昭壁樂安
欲戰仁恭取敬暉棄城去帝東遷詔至太原克用泣謂
其下曰乘輿不復西矣遣使者奔問行在俄加號協盟
同力功臣李茂貞王建與邠州楊崇本遣使者來約義

舉克用顧藩鎮皆附汴不可與共功惟契丹阿保機尙可用乃卑辭召之保機身到雲中與克用會約爲兄弟留十日去遺馬千疋牛羊萬計期冬大舉度河會昭宗弑而止四年王建李茂貞約克用大舉建將康晏步騎二萬與克用監軍張承業會鳳翔是時汴將王重師守長安劉知俊守同州與戰長安西建兵敗遂不振唐王建與淮南楊渥請克用自王一方須賊平訪唐宗室立之建請悉蜀工制乘輿御物克用答曰自王非吾志也建又勸茂貞王岐茂貞孱褊亦不敢當但侈府第僭宮禁而已建渥乃自王是歲克用有疾城門自壞明年卒

贊曰沙陀始歸命天子仰哺於邊世喋血助征討常爲
邊兵雄至克用逢王室亂遂有太原虜性惇固少他腸
自負材果欲經營天下而不克也兵雖勝然數敗地雖
得輒復失故熟視帝劫遷縮頸羞汗偷景待僵不亦鄙
乎賴其子慄銳抑而復振是時提兵託勤王者五族然
卒亡朱氏爲唐滌耻者沙陀也使克用稍知古今能如
齊桓晉文唐遽亡乎哉

唐書卷第二百五十七下